

欽定大清會典事例

欽定大清會典事例卷二百九十五

禮部

朝會禮節二

恭遇

萬壽大慶之年。是日早。

皇太后儀駕樂懸全設。王以下各官俱朝服。禮部鴻臚寺官豫設進表黃案一於

慈寧門東門檻外南嚮內閣學士奉

皇帝慶賀

皇太后表文。

表文例由內閣撰擬謹案乾隆三十六年。

皇太后八旬萬壽。

御製恭

進。安於匣內。自內閣奉出。內閣官前導。大學士  
隨行。由

熙和門中門出。至

永康左門外。大學士接奉表匣。禮部堂官二員前  
引。進至

慈寧門。升東階。恭奉表匣。安於黃案上。退。執事官豫  
設

皇帝拜褥於

慈寧門檻外正中。禮部堂官恭請

皇帝詣

皇太后宮行禮

皇帝具禮服乘輿出宮禮部堂官前引出

隆宗門至

永康左門

皇帝降輿禮部堂官引

白皇帝由東階升至門左西嚮立大學士一人從升立於東檐西面又大學士一人升西階立於西檐東面宣表官從升東階立於東檐大學士之後西面禮部堂官轉傳內監奏請

皇太后升慈寧宮寶座

皇太后具禮服出內宮中和韶樂作奏豫平之章

皇太后升座樂止禮部堂官引

皇帝至拜褥上立丹陛大樂作奏益平之章鳴贊官  
奏跪

皇帝跪王以下衆官皆跪鳴贊官贊宣表宣表官從  
黃案前奉表至

慈寧門檻外正中跪大學士二人左右跪展表樂止  
宣表官宣表訖奉表興樂作仍置黃案上退鳴  
贊官奏拜興

皇帝率王公羣臣行三跪九拜禮禮成禮部堂官引

皇帝仍至原位立。樂止。禮部堂官轉傳內監奏請  
皇太后還宮。中和韶樂作。奏履平之章。

皇太后還內宮。樂止。禮部堂官奏禮成。引

皇帝出

永康左門乘輿還宮。禮部堂官以表交內監。恭奉  
入宮。○凡恭遇

皇帝三大節。王公百官朝賀。是日早。鑾儀衛陳  
法駕鹵簿於

太和殿前。陳步輦於

太和門外。陳五輅於

午門外。陳馴象於五輅之南。陳仗馬於丹墀中道之左右。俱東西相嚮。樂部率。和聲署。設中和韶樂於

太和殿東西檐下。設丹陛大樂於

太和門內東西檐下。均北嚮。鴻臚寺官設表案一於

太和殿內東旁。禮部司官奉王以下在京文武各官所進慶賀

皇帝表文。安置於

殿內東旁黃案上。設各省將軍提鎮等慶賀表文

於

午門外龍亭內。

凡進表。部備香亭表亭儀制司員奉表恭設於亭。鑿儀校自部昇行。

香亭前。表亭後。導引樂作。由東長安門至。午門外亭止。香亭設甬道左。表亭設甬道右。儀制

司員恭奉表文進。太和殿內恭設。若不升殿。香亭陳於甬道上。王大臣表亭在香亭後

甬道兩旁。在王以下各官咸朝服。鴻臚寺官引

和碩親王以下。入八分公以上。在丹陛上。文武

各官在丹墀內。王公暨二品大臣以上。由右翼

東由左掖門入。昭德門。在。各官照依品級按

西由右掖門入。貞度門。在。翼排立。外國使臣立於丹墀。西班牙百官之末。是

時後扈內大臣二員率豹尾班執槍侍衛十員



佩刀侍衛十員於

乾清門外。禮部堂官二員於門階下。前引大臣十員於

太和殿後階下。咸左右序立。祇俟。欽天監官於

乾清門報時。禮部堂官奏請

皇帝御禮服。乘輿出宮。

午門鳴鐘鼓。禮部堂官前引。後扈內大臣從。至

保和殿後降輿。

皇帝御中和殿升座。鴻臚寺官引侍班執事導從各

官。至

殿前按班不贊。行三跪九叩禮。侍班官先趨出。至外朝就位立。

皇帝駕興。禮部堂官前引。前引大臣恭導。後扈如初。

中和韶樂作。

萬壽聖節。奏乾平之章。元旦。奏元平之章。冬至。奏遂平之章。

皇帝御太和殿升座。樂止。鑾儀衛官進至中階之右。

贊鳴鞭。階下三鳴鞭。鳴贊官贊排班。丹陛大樂

作。奏慶平之章。鴻臚寺官排班。

分引王公就拜位。引文武百官

及外國使臣由鹵簿南轉入拜位。皆東西按班北面序立。鳴贊官贊進。贊跪。

王以下衆官及外國使臣皆進跪。贊宣表。宣表

官由東檐入。

殿左門從黃案上奉表至

殿檐下正中跪。大學士二人左右跪。展表。樂止。宣表官宣表訖。奉表興。樂作。宣表官奉表仍安置黃案上。退。鳴贊官贊叩興。王以下衆官及外國使臣行三跪九叩禮。鳴贊官贊退。王以下衆官及外國使臣皆復原班立。樂止。鑾儀衛官贊鳴鞭。階下三鳴鞭。中和韶樂作。

萬壽聖節奏  
泰平之章。元旦奏

和乎之章。冬至  
奏允乎之章。

皇帝還宮。樂止。王以下衆官及外國使臣俱出。禮部官奉

殿上表及

午門外直省文武官表。恭送內閣。內監豫設中和

韶樂於

乾清宮檐下。設丹陛大樂於

乾清門內北嚮。俟

皇帝還宮。

御內殿中和韶樂作。凡三大節樂章。均與外朝同。

皇帝升座。樂止。內監奏請

皇后率

妃

嬪禮服詣

乾清宮。

皇后就正中拜位立。

道光二十年增定。就殿內之中稍左拜位立。

皇貴妃

妃

嬪禮服左右北嚮立。丹陛大樂作。奏雖平之章。行

六肅三跪三拜禮禮成。

皇后

妃

嬪俱退。樂止。內監奏禮成。中和韶樂作。

皇帝起座。樂止。

皇后

妃

嬪選宮。

皇子等詣

皇帝前行三跪九叩禮。

謹案嘉慶元年二年三年三  
仁宗睿皇

帝先於  
上皇帝前行禮。

太  
○若值

圓明園朝賀。是日早。鑾儀衛陳

法駕雨簿。樂部和聲署設樂懸。

皇子王以下各官。咸蟒袍補服。鴻臚寺官引

皇子和碩親王以下文職三品武職二品以上官

員在

正大光明殿階下兩旁按次排立。文職四品武職三品以下各官俱在。

出入賢良門外。按照品級排立。外國使臣等立於西班百官之末。禮部堂官奏請

皇帝具龍袍衮服。

御正大光明殿中和韶樂作。

樂章俱同前。

皇帝升座。樂止。鑾儀衛官贊鳴鞭。階下三鳴鞭。鳴贊。官贊排班。丹陛大樂作。鴻臚寺官引

皇子王以下文武各官暨外國使臣等排班立。贊

進跪。

皇子王以下文武各官暨外國使臣等皆進跪。贊

叩興。

皇子王以下文武各官暨外國使臣等行三跪九

叩禮。贊退。

皇子王以下文武各官暨外國使臣等俱退。復原

班立。樂止。鑾儀衛官贊鳴鞭。階下三鳴鞭。禮部

堂官奏禮成。中和韶樂作。

皇帝還宮。樂止。

皇子王以下文武各官暨外國使臣等皆退。內監



奏請

皇帝御內殿升座。

皇后率

妃

嬪具龍袍補服於

皇帝前行六肅三跪三拜禮禮成。

皇帝起座。

皇后

妃

嬪還宮。

道光十六年奉旨嗣後萬壽聖節若遇兩皇子王公等著在正大光明殿檐

下行禮。文三品武二品以上官著在出入賢良門內外檐下左右行禮。文四品武三品以下各官著在大宮門內外檐下左右行禮。其○若值丹陛樂移於正大光明殿東西廂檐下。

乾清宮朝賀。是日早。鑾儀衛陳法駕鹵簿於

乾清門外。東西相嚮。內監設中和韶樂於

乾清宮檐下兩旁。設丹陛大樂於

乾清門內兩旁。俱北嚮。鴻臚寺官引和碩親王以

下。入八分公以上。在

乾清宮丹陛上。文武一品大臣

御前侍衛在甬道上。二品以下

內廷行走大臣官員。

乾清門侍衛在東西丹墀內。二品文武大臣三四五品京堂各官在。

乾清門外其餘文武各員在。

午門外咸衣蟒袍補服各照品級按翼排立。屆時禮部堂官奏請。

皇帝具龍袍袞服。

御乾清宮中和韶樂作。奏乾平之章。

皇帝升座樂止。鑿儀衛官贊鳴鞭於。

乾清門外階下三鳴鞭。鳴贊官贊排班。丹陛大樂。

作。奏慶平之章。鴻臚寺官引王以下文武各官排班立。鳴贊官贊進。皆進。贊跪。皆跪。贊叩興。王以下文武各官行三跪九叩禮。贊退。王以下文武各官俱復原班立。樂止。鑾儀衛官贊鳴鞭。階下三鳴鞭。禮部堂官奏禮成。中和韶樂作。奏泰平之章。

皇帝起座還宮。樂止。王以下文武各官皆退。內監奏請。

皇帝御內殿升座。

皇后率

內庭主位等詣

內殿。

皇后就正中拜位立。

內庭主位等左右少後立。

皇后率

內庭主位等行六肅三跪三拜禮禮成。

皇帝起座。

皇后率

內庭主位等還宮。

咸豐三年奏定。

萬壽聖節

案。王以下。入八分公以上。在乾清門侍衛。在乾清

禮一二品文武大臣。

乾清門侍衛。

乾清

門內外檐下左右行禮。三品以下文武各官在  
太和門內外檐下左右行禮。其丹陛大樂移  
於乾清門東西檐下均北檐。○若值

駐蹕熱河朝賀。是日早。鑾儀衛陳

法駕鹵簿於

澹泊敬誠殿前。內監設中和韶樂於

澹泊敬誠殿檐下兩旁。設丹陛大樂於

工宮門內兩旁亭內。俱北嚮。扈從各官俱蟒袍補

服。至

澹泊敬誠殿前祇候。鴻臚寺官引

皇子和碩親王以下。入八分公以上。及蒙古王公

至階下兩旁按翼排立。二品以上大臣在

二宮門外。三品以下各官在

避暑山莊門外。各照品級按翼排立。禮部堂官奏

請

皇帝御龍袍袞服。

升澹泊敬誠殿寶座。中和韶樂作。

樂章俱同前。

皇帝升座。樂止。鑾儀衛官贊鳴鞭。階下三鳴鞭。鳴贊

官贊排班。丹陛大樂作。鴻臚寺官排班。鳴贊官

贊進。贊跪。眾皆進跪。贊叩興。眾行三跪九叩禮。

鳴贊官贊退。俱復原位立。樂止。鑾儀衛官贊鳴

鞭階下三鳴鞭。禮部堂官奏禮成。中和韶樂作。

皇帝還宮。樂止。眾俱出。內監奏請

皇帝御內殿升座。

皇后率

妃嬪具龍袍補服於

皇帝前行六肅三跪三拜禮。禮成。

皇帝起座。

皇后

妃



嬪選宮。○若值

行在所朝賀。是日早。扈從各官俱蟒袍補服。於行在宮之網城外祇俟。鴻臚寺官引

皇子王公以下文武二品以上大臣。至

皇帝行在宮網城內。三品以下各官在網城外。按翼排立。禮部堂官奏請

皇帝御行在宮正殿。

皇帝御殿升座。鴻臚寺官引

皇子諸王文武各官行三跪九叩禮。復原位立。禮部堂官奏禮成。

皇帝還行在後宮。眾俱退。內監奏請

皇帝御內殿升座。

皇后率

妃

嬪具龍袍補服於

皇帝前行六肅三跪三拜禮。禮成。

皇帝起座。

皇后

妃

嬪還宮。

嘉慶二十三年。聖節在興隆寺。

行宮受賀。仁宗睿皇帝萬壽。二品以上文武

大臣在垂花門外。垂花門內。三品以下文武各官在垂花門外兩旁。六品以下文武各官在

外兩旁行禮。餘與在京同。○凡朝賀禮節同。樂章與在京同。

皇宮三大節朝賀。是日早。內監陳

皇后儀駕於

宮檐下及

宮門外。設中和韶樂於

宮檐前。設丹陛大樂於

宮門內。俟

皇后詣

皇帝前行禮訖。引禮命婦二人引

妃

嬪於

皇后宮門內月臺上兩旁立。內監引公主福晉以下

二品命婦以上。

謹案嘉慶十年奉

旨。本

年係皇后三旬壽節。公主福晉

著進內行禮。其命婦行禮之處著停止。又禮部

尚書候恭阿拉面奉諭旨。命婦引禮亦

停止。又道光十七年。

旨照例行禮。停止筵燕。其在外福晉進

內行禮。並由

隆宗門內右門入。至

皇后宮門內。於丹陛上按翼排立。引禮命婦轉傳內

監奏請

皇后御內殿。

皇后具禮服出宮。如恭遇皇后御龍袍補服。圓明園行禮。中和韶樂

作。奏淑平之章。

升座。樂止。引禮命婦引

妃

嬪公主福晉命婦行六肅三跪九拜禮。丹陛大樂作。奏正平之章。禮成。復原位立。樂止。引禮命婦

轉傳內監奏請

皇后還宮。中和韶樂作。奏順平之章。

皇后還宮。樂止。

妃

嬪退。公主以下皆出。

皇子等詣

皇后宮行三跪九叩禮。各退。

長至節儀同謹案乾隆三十年

千秋節禮

以前三大節

嘉慶元年二年

皇后先詣

皇后先詣

皇太后宮太

上行禮

○凡常朝之禮。是日早。鑾儀衛陳

法駕鹵簿。樂部陳中和韶樂。丹陛大樂均如儀。鴻

臚寺官於

太和殿內設筆硯案。王公百官咸朝服。外國陪臣

以時至者俱祇俟

午門外侍班執事官入就位。鴻臚寺官按翼序定

王公百官及外國陪臣班次。王公由右門，午門左；太子由右門，午門左。

右門引入，文武各官由午門左右掖門，昭德門，貞度門引入。外國陪臣隨西班牙百官後。

入。咸就位。鴻臚寺卿奏請

皇帝升殿。

午門鳴鐘鼓。

皇帝禮服乘輿出宮。鴻臚寺卿恭導。導從六至。

太和殿北階降輿入。

御太和殿。若遇皇帝乘輿出宮，至保和殿後降輿。

禮如儀畢。御中和殿升座。執事官行中和韶樂作。奏隆

平之章。

皇帝升座樂止。

恭導之鴻臚寺卿出立丹陛上導從大臣立位與大朝同。

贊鳴鞭。

丹墀內三鳴鞭。丹陛大樂作。奏慶平之章。鴻臚

寺官引謝。

恩官及外國陪臣出班。

其餘百官仍按本位立。

序立。贊進。皆進。

贊跪。皆跪。贊叩興。行三跪九叩禮。興。贊退。各復

原位立。樂止。丹墀內三鳴鞭。中和韶樂作。奏顯

平之章。

皇帝還宮。樂止。鴻臚寺官分引王公百官依次出退。

若



皇帝不御殿。羣臣坐班。是日早。王公百官咸朝服。鴻臚寺官東西各二員。按翼序定王公班位於太和門外。東西各二班。序定百官班位於

午門外朝房前。東西各分九班。

如通例。

各依序為位。

皆東西面坐。重行北上。糾儀御史二員。吏部禮部司官各二員。分位東西班首。御史二員。吏部禮部司官各二員。分位東西班末。均東西面北上。屆時門校禁斷行人。糾儀官就位。王公百官各以次就位坐。吏部禮部派官收職名。糾儀官起繞班行。上下一帀。還復位坐。少頃。王公出。百

官皆退。○凡

聖駕巡幸

盛京三大節朝賀是日隨

駕王以下及蒙古王公

盛京文武大臣官員等穿蟒袍補服

道光

九年諭此

恭詣盛京所有隨扈王公大臣文武官員凡遇陪祀升殿慶賀筵燕俱著穿蟒袍補服毋庸攜帶朝服

前往禮部鴻臚寺官豫設

詔案表案各一於

崇政殿內東旁又設黃案一於丹墀正中鑿儀衛

陳

法駕鹵簿於

崇政殿前。陳黃蓋雲盤於丹墀內。

如不設黃蓋雲盤

頒詔

及詔案。樂部陳中和韶樂於

殿檐下兩旁。陳丹陛樂於兩樂亭。皆北嚮。內閣學

士恭奉

詔文安設於

殿內東旁黃案上。龍亭香亭。豫設於禮部堂上。禮

部堂官奉王以下所進慶賀

皇帝表文。置於亭內。校尉昇亭。作導引樂。至

大清門外東邊安設。禮部官奉表由

大清門左旁門入。安設於

殿內東旁黃案上。屆時鴻臚寺官引隨

駕王公並蒙古王公等在

殿外兩旁排立。引隨

駕文武大臣官員等。在丹墀東旁。各按品級排立。引

盛京文武大臣官員及

陵寢官員等。在丹墀西旁。各按品級排立。引朝鮮使臣

等。在丹墀西旁百官之末排立。耆老領催等咸

集於

大清門外。禮部堂官奏請

皇帝御龍袍衮服乘輿出宮。如恭奉 威京 皇太后

御禮服率王公朝於 皇太后行宮百官

會於大清門外行禮畢 皇帝御龍袍衮

服御殿受禮部堂官恭導

賀如儀

皇帝升

崇政殿中和韶樂作奏元平之章。

皇帝升座樂止鑾儀衛官贊鳴鞭丹墀內三鳴鞭鳴

贊官贊排班王以下文武各官暨朝鮮使臣等

俱排班戲竹合丹陛樂作奏慶平之章鳴贊官

贊進贊跪王以下文武各官暨朝鮮使臣等俱

進跪贊宣表宣表官從黃案上奉表跪於

殿檐下正中。大學士二員左右跪展表。戲竹開樂止。宣表官宣畢。奉表起立。丹陛樂作。奏慶平之章。宣表官仍奉表置於黃案上退。鳴贊官贊叩興。王以下文武各官暨朝鮮使臣等俱行三跪九叩頭禮。興。鳴贊官贊退。衆皆復原位立。樂止。大學士奉

詔至

殿檐下授禮部堂官。禮部堂官跪受。由中階左旁下。至丹墀正中。陳於黃案上。行一跪三叩頭禮。興。禮部官跪奉雲盤。禮部堂官奉

詔置於盤內。禮部官起立。鑾儀衛官執黃蓋導引。俱由中道出。

大清門鑾儀衛官贊鳴鞭如前。禮部堂官奏禮成。中和韶樂作。奏和平之章。

皇帝起座還宮。樂止。王以下文武大臣官員等皆出。禮部官奉

詔至

大清門外。置於龍亭。行一跪三叩禮。興。校尉昇亭。亭前作導引樂。

御仗前導。禮部堂司官隨至。

大政殿外亭止。禮部官行一跪三叩頭禮奉。

詔置於高臺黃案。王以下文武各官皆於

大政殿外排立。鴻臚寺官贊排班進。衆排班皆進。耆老領催等另一班排立。宣詔官登臺西嚮立。鳴贊官贊有。

諭旨。衆皆北面跪。宣詔官宣滿漢。

詔書畢。禮部官恭奉設於龍亭。鳴贊官贊三跪九叩。禮行禮畢。校尉昇亭作導引樂。

御仗前導至禮部月臺上亭止。禮部官豫設香案。恭奉。



詔書設於案上。禮部堂官行三跪九叩頭禮。騰黃刊

刻頒行天下。是日巳時

皇帝御大政殿筵燕

謹案嘉慶十年奉  
於次日筵燕道光九年九月二

旨改

十五日

十八日 大政殿升殿二  
筵燕隨

駕王以下及

盛京文武大臣官員皆穿蟒袍補褂先集豫設中

和韶樂於

大政殿檐下設清樂於東旁設丹陛樂於

大政殿前北嚮豫設

御燕卓於

寶座前正中稍遠。張黃幕於丹墀正中。陳金器於反  
坫卓上。

殿內兩旁。設入班王公大臣並蒙古王公等卓張。  
丹墀左右。設羣臣宗室等卓張。朝鮮使臣等卓

張設於左旁之末。

謹案嘉慶十年奉  
旨。朝鮮使臣免其入燕。

鴻

臚寺理藩院官引班入。各就本位立。至時。內務  
府大臣奏請

皇帝御龍袍衮服。

升大政殿中和韶樂作。奏元平之章。

皇帝升座。樂止。王以下文武各官暨朝鮮使臣等。各

就位次行一叩頭禮。坐。內管領護軍參領等進

饔饩卓張。

謹案道光四年由侍衛進

丹陛樂作。奏海宇昇平

日之章。尚茶正進茶。

皇帝用茶時。眾俱於坐次行一叩頭禮。侍衛分

賜眾茶畢。各於坐次行一叩頭禮。飲畢。復行一叩頭

禮。坐。樂止。展席幕。掌儀司官由反坫卓上奉壺

爵。金卮從中路進。丹陛樂作。奏玉殿雲開之章。

眾先起立。掌儀司官上

殿階西嚮立。酌酒。進爵大臣出

殿釋補褂。入

殿內跪。眾俱於坐次跪。掌儀司官奉爵入。跪授進爵大臣。起退。進爵大臣接爵起。進

御座側跪。進爵。復至原跪處跪。

皇帝用酒時。進爵大臣行一叩頭禮。眾皆行一叩頭禮。進爵大臣起。進

御座側跪。接爵退。仍至原跪處跪。掌儀司官跪接爵退。眾皆起立。掌儀司官以金卮酌酒。立

賜進爵大臣。進爵大臣跪受。行一叩頭禮。飲畢。掌儀司官立接卮退。進爵大臣復行一叩頭禮。興出。殿穿補褂入。就原坐。眾皆就坐。樂止。尚膳正進饌。

中和清樂作。奏萬象清甯之章。

皇帝用饌。尚膳正分給各筵。

恩賜食品。領侍衛內大臣起。監視侍衛等分賜酒。眾行一叩頭禮。飲畢。復行一叩頭禮。樂止。隨進世德舞樂曲。次喜起舞。大臣分對於

殿廊下依次進舞畢。蒙古樂曲進。

道光九年  
論先進世德

舞樂曲。俟喜起舞。大臣  
進舞畢。再進蒙古樂曲。次進善撲人十對畢。眾

皆於坐處行三叩頭禮。興。內務府大臣奏筵燕禮成。中和韶樂作。奏和平之章。

皇帝還宮。樂止。各退。

盛京三大節朝賀。是日早。內務府官詣

崇政殿啟扉拂拭。

御座。禮部官恭設香案於

殿外正中南嚮。辨百官位於丹墀內。按旗分左右翼。東班西上。西班東上。均北嚮。鳴贊二員分立班行之北。引班二員分立班行左右。贊禮郎充均東

西嚮。文武各官咸朝服。於

大清門外祇候。屆時。引班分引至

崇政殿丹墀內。鳴贊贊齊班。引班引各官就拜位立。贊進贊跪叩興。百官行三跪九叩頭禮。贊

退引班引各官退。

附載乾隆十九年

盛京朝賀禮節。

是日。

駕至

盛京扈從之王公各官咸朝服。

謹案乾隆四十八年八月奉

旨。此次前往盛京。遇升殿慶賀行禮。所有隨從王公大臣。俱著穿蟒袍補褂。毋庸攜帶朝服。其盛京官員。亦著一體穿蟒袍補褂。行禮時。亦並著穿蟒袍補褂。豫

至

大清門候

駕入。

升崇政殿。

賜茶畢。

皇帝入宮各退。次日早。陳

法駕鹵簿於

崇政殿前。陳中和韶樂於

殿檐下二層階臺下之兩旁。陳丹陛大樂於兩旁

樂亭。

禮部中。禮部衙門。朝賀時。樂一分。丹陛大樂一分。留盛京樂懸。以

禮部衙門。朝賀時。樂一分。丹陛大樂一分。留盛京樂懸。以

詔案表案各一於



崇政殿東之南。又設黃案一。於丹墀正中。設黃蓋

雲盤於丹墀內。

如不蓋雲盤及

頒詔不設黃

禮部堂

官奉王以下文武各官所進慶賀表恭設於

殿內東旁案上。內閣學士恭奉

詔書安設於

殿內東邊黃案上。鴻臚寺官引

皇子王以下各官俱蟒袍補服。和碩親王以下入

八分公以上。於

皇太后行宮外按翼排立。文武各官及朝鮮使臣。於

大清門外按翼排立。執事官豫設

皇帝拜褥於

皇太后行宮門外正中。禮部堂官奏請

皇帝具禮服出宮。於東旁門內乘輿。禮部堂官前引。至皇太后行宮門外降輿。東旁立。禮部堂官轉傳內監奏

請

皇太后升座。禮部堂官引

皇帝至拜褥上立。王以下文武各官俱嚮上立。鳴贊官奏跪拜興。

皇帝率

皇子王公行三跪九拜禮興。文武各官及朝鮮使

臣於

大清門外隨行禮。禮成。禮部堂官引

皇帝仍至原位立。轉傳內監奏請

皇太后還宮。禮部堂官奏禮成。引

皇帝還宮。皆退。鴻臚寺官引

皇子王公並外藩王公等在

殿外兩旁侍立。引隨

駕之文武大臣官員。在丹墀東旁。各按品級侍立。引

盛京文武大臣官員並

陵寢官員。在丹墀西旁。各按品級侍立。引朝鮮使臣於

丹墀西旁百官之末侍立者老領催等祇俟於  
大清門外。屆時禮部堂官奏請

皇帝御龍袍袞服乘輿出宮。禮部堂官恭導。

皇帝升崇政殿寶座。中和韶樂作。奏元平之章。

皇帝升座。樂止。鑾儀衛官贊鳴鞭。丹墀內三鳴鞭。鳴贊

官贊排班。鴻臚寺官引

皇子王以下各官並朝鮮使臣排班。

謹案向例朝鮮使臣另班

行禮乾隆四十八年具奏。謁賀事宜夾片聲明。令朝鮮使臣附於

西班之末

禮丹陛樂作。鳴贊官贊進。贊跪。贊宣表。宣表官

至黃案前奉表。跪於

殿檐下正中。大學士二人跪於左右展表。樂止。宣表官宣畢。奉表起立。丹陛樂作。奏慶平之章。奉表官奉表置於黃案上退。鳴贊官贊叩興。行三跪九叩禮興。鳴贊官贊退。皆退。復原位立。樂止。大學士奉

詔書。至

崇政殿檐下授禮部堂官。禮部堂官跪受。由中階左旁至丹墀正中安設於黃案上。行一跪三叩頭禮。跪奉

詔書起。禮部官跪奉雲盤受

詔書安置雲盤內。興黃蓋前導。由中道出。

大清門。文武各官隨出。

大清門左右門。

皇帝賜王公大臣坐。

賜茶畢。鑾儀衛官鳴鞭。王以下皆起立。中和韶樂作。奏

和平之章。

皇帝還宮。禮部官奉

詔書至。

大清門外安設龍亭。與

京師頒

詔儀同。

皇后率

妃

嬪慶賀

皇帝行禮於

皇太后行宮慶賀行禮。

妃

嬪於

皇后前慶賀行禮。並與京師儀同。○凡

盛京三大節百官朝賀之禮。是日漏未盡。內務府

官詣

崇政殿啟扉拂拭

御座禮部官恭設香案於

殿外正中。黎明將軍及戶禮兵刑工五部侍郎率

所屬官弁按旗分左右翼於丹墀內設九班。班

如其品。奉天府尹府丞治中。後裁通判京縣等

官從右翼協領參領視府尹暨府丞降一等。東

班西上。西班東上。朝服行禮。與

京師同。○凡直省三大節百官朝賀之禮。於行禮

公所恭設



萬壽龍亭於正中南嚮。設香案於亭南。將軍總督巡撫提督學政率所屬官弁。文東武西於階下列班行禮。分駐之提鎮道府州縣率僚屬行禮。與省會同。

欽定大清會典事例卷二百九十六

禮部

朝會

樂懸 御殿受朝 班位 侍班 朝賀 章服 陳設 賜坐

御殿受朝。○天命元年定。元日行慶賀禮。始制朝儀。

○崇德元年定。元日進慶賀表箋。長至。

萬壽聖節進表慶賀。與元日同。惟長至不設燕。○又定。每月初五、十五、二十五日。

皇帝御殿聽政。○順治八年定。元日長至。

萬壽聖節為三大節。○又定。歲遇三大節。在外直省。

文武官均設香案。朝服望

闕行禮。與京朝官同。○九年定。每月初五十五二  
十五日。

皇帝御殿。文武百官上朝。

朝賀章服。○崇德元年定。元日前三日起至第  
九日止。上元節。十四日起至十六日止。各官咸  
朝服。○順治二年定。元日前後七日。王公百官  
咸朝服。○十一年題准。上元前後三日。王公百  
官朝服。不理刑名。不辦事。遇有要務。仍辦理。○  
康熙十年議准。凡遇應具朝服補服日。奏事官

咸朝服補服違者本部指叅。○十二年議准。官員宜具朝服日而服不如制者。罰俸一月。○十四年題准。每月常朝日。

御殿行禮後。羣臣入

內奏事。止具補服。如不

御殿。仍具朝服坐班。其應具補服之日。咸補服。○二十二年題准。恭遇

萬壽聖節前後七日。羣臣咸朝服。不理刑名。照常辦事。○五十二年三月十八日。

聖祖仁皇帝六旬萬壽聖節。王以下文武百官。自三月

初一日至二十日。咸朝服蟒袍補服。○乾隆元年

榆嗣後御門聽政。若遇逢五朝期。各官咸補服奏事。不必用朝服。永著為令。○三年。

高宗純皇帝萬壽聖節。王以下文武各官。除八月十一日外。初十。十二。十三。十四。十五。十六。十七等日。咸衣蟒袍。○十九年奉

旨。十一月初一日起。凡朝會祭祀。皆用緣貂皮朝衣。至次年正月十六日止。永著為例。三品以上用。○四十七年

奏准。元旦如值

祈穀之期。仍穿蟒袍。○五十五年。

高宗純皇帝八旬萬壽。王公百官。於八月初一日起至二十一日止。俱穿蟒袍補服。○六十年。元旦日食。上元月食。此二日俱係令節。照例仍衣蟒袍。惟於將屆日食月食前。奉刻換衣常服。俟復圓後。仍衣蟒袍。其救護官員。屆時俱穿素服行禮。

○嘉慶四年

諭朕十月初六日壽辰。王公大臣官員等。俱著穿補褂。挂朝珠。前三日。後三日。俱常服朝珠。俟二十七月後。再照常例。○又奏。

萬壽聖節。若僅穿補褂挂朝珠。不足展臣子敬祝悃忱。  
請照例仍穿蟒袍奉

諭。初六日係萬壽正日。王公文武官員。著穿蟒袍補褂。  
在乾清門外階下行禮後。仍止穿補服。其前三日。後  
三日。遵前旨。並常服朝珠。明年照此舉行。○十二月  
諭。本月二十三日。王公大臣穿貂褂。官員等穿天青褂。  
俱不挂朝珠。二十六日起至三十日止。王公大臣穿  
貂褂。官員等穿天青褂。俱挂朝珠。明年正月初六日。  
王公大臣穿貂褂。官員等穿天青褂。俱不挂朝珠。○

十四年。

仁宗睿皇帝五旬萬壽奉

旨。王公百官應穿蟒袍補服。著於九月二十五日起。至十月十六日止。其九月二十七日。著穿常服不挂朝珠。二十九日在齋戒期內。穿常服挂朝珠。○十八年諭。十月初六日。為朕壽辰。國家典禮。自初三日至初九日。俱穿蟒袍補褂。今酌省繁文。副予儆惕之念。著於初五初六初七三日。穿蟒袍補褂。○又奏請於

萬壽聖節前後初三。初四。初八。初九四日。俱穿補服。奉旨。勉從所請。○二十三年

諭。朕此次萬壽。在興隆寺行宮。著傳知扈從王公百官。



十月初五日起程時。仍穿行衣。至興隆寺。即換穿蟒袍。初六日穿蟒袍一日。初七日起程時。仍換行衣。

二十四年

諭本年朕六旬正慶。前據禮部奏王公百官例於慶節前後穿蟒袍補褂一月。朕嘗恭閱

聖祖仁皇帝六旬萬壽盛典。其時止穿蟒袍補褂二十日。此次王公百官著自十月初一日至二十日。亦穿蟒袍補褂二十日。其初一日以前。王公大臣輪應進膳者。是日進膳之員。著穿蟒袍補褂。餘俱常服。○道光元年元旦。比照乾隆元年之例。進表慶賀。禮

成後。

宣宗成皇帝御貂褂挂朝珠。其十二月二十八二十九三十及正月初二初四初五等日。均貂褂不挂朝珠。王公百官於朝服行禮後穿蟒袍補褂一日。前後三日。均常服挂朝珠。初三日仍素服。初五日補穿常服挂朝珠。上元日。

宣宗成皇帝御貂褂挂朝珠。十四十六日。均貂褂不挂朝珠。王公百官上元日。補服挂朝珠。十四十六日。常服挂朝珠。○又奏准。

萬壽聖節。

宣宗成皇帝詣

皇太后宮。具龍袍袞服。行禮畢。易常服。王公百官穿蟒袍補褂挂朝珠。行禮畢。止穿補服。除初九十一日。仍素服外。初七初八十二十三十四十五等日。穿常服挂朝珠。○十一年

諭。本年五旬萬壽。仍照常年恭詣

皇太后宮行禮後。升正大光明殿受賀。除初九十一日。仍穿素服外。初七初八初十二十三十四十五等日。咸衣蟒袍補服。○十二年。

宣宗成皇帝萬壽聖節奉

旨本月十二日至十五日俱著穿常服不穿蟒袍。○十三年。

宣宗成皇帝萬壽聖節奉

旨本年八月初十日著停止行禮筵燕王公百官俱著穿蟒袍補服一日。○二十一年。

宣宗成皇帝六旬萬壽聖節奉

旨仍著穿蟒袍補服七日。○三十年元旦日食王公百官穿用服色與乾隆六十年同。○五月

諭本年六月初九日王公大臣官員行禮時俱著改穿補褂毋庸穿蟒袍禮畢仍穿常服挂朝珠。○咸豐元

年元旦慶賀禮成。

文宗顯皇帝御貂褂挂朝珠。王公百官穿蟒袍補褂一日。至前後各三日。除正月初三日仍穿素服外。其十二月二十八日係禘祭。

太廟。

閱視祝版之期。

文宗顯皇帝御龍褂。隨從王公大臣官員俱穿補褂。是日及二十九。三十日。正月初二。初四。初五日。

文宗顯皇帝御貂褂。不挂朝珠。王公大臣官員均穿常服。不挂朝珠。是年正月十三日係齋戒期內。

文宗顯皇帝御龍袍貂褂。升殿閱視祝版。王公大臣官員等。俱穿蟒袍補褂。進

壇時穿蟒袍貂褂。十四日

親行

祈穀大祀。御祭服。是日並值

宣宗成皇帝忌辰。禮成後。仍素服。臣工有執事者。朝服將事後。與無執事者。亦皆素服。至十五日

文宗顯皇帝謁

陵啟鑿。十六日

駕在行營。均

御行衣。隨扈諸臣亦穿行衣。所有十五日恭送

聖駕並留京王公百官等。仍穿補服挂朝珠。十六日穿常服挂朝珠。○又是年六月初九日。

文宗顯皇帝萬壽聖節。臣工服色與道光元年同。○二年奏准。元旦行禮時。王公百官穿蟒袍補褂挂朝珠。行禮畢。止穿補服一日。前後三日俱常服挂朝珠。初三日仍素服。初五日補穿常服挂朝珠一日。○四年奉

旨。每年朕萬壽日。王大臣等俱穿蟒袍補褂七日。現因直隸逆氛未靖。此次萬壽日。王大臣等及在京官員

等。初八初九初十等日。俱穿蟒袍補褂。初六初七十  
一十二等日。俱穿常服。○十年

諭本年朕三旬萬壽。王公百官。仍著穿蟒袍補服七日。  
○同治元年三月二十三日。

穆宗毅皇帝萬壽聖節。前後三日。照成案常服挂珠。  
○二年元旦令節。

穆宗毅皇帝恭詣

慈安皇太后

慈禧皇太后前行禮。

御尋常袍龍褂。王公百官行禮時。照常穿蟒袍補褂。禮



成後。咸補褂挂朝珠。○又奏准。王公百官服色。除正月初三日仍穿素服外。其十二月二十八二十九三十日。正月初二日。初四。初五日。均常服挂朝珠。○是年三月二十三日。

穆宗毅皇帝萬壽聖節。

御尋常袍龍褂。詣

慈安皇太后

慈禧皇太后前行禮。禮畢。易常服。前三日。後三日。仍素服。王公大臣官員等。穿補褂挂朝珠。禮畢。易常服挂朝珠。其前三日。後三日。均常服挂朝珠。○

光緒元年六月二十八日。

皇帝萬壽聖節。

御尋常袍龍褂詣

慈安端裕康慶皇太后

慈禧端佑康頤皇太后前行禮。禮畢。易常服。二十五。二

十六兩日。仍

御素服。二十七。二十九兩日。係齋戒期內。七月初一

日。係朔日。均

御常服。初二日。仍素服。正日。文武各官咸衣補褂。挂

朝珠。二十七。二十九兩日。齋戒期內。均常服。挂

朝珠。二十五。二十六。七月初一。初二等日。均常服。不挂朝珠。○七年。

皇帝萬壽聖節。於六月二十六日。

御藍袍龍褂挂朝珠。詣

慈禧端佑康頤昭豫莊誠皇太后前行禮。禮畢。易常服。  
屆時。

御乾清宮。王以下文武大臣各官。咸穿補褂挂朝珠。行禮。禮畢。易常服挂朝珠。正日。

皇帝御常服。二十五。二十七。兩日。仍

御素服。二十九。三十兩日。係齋戒期內。七月初一日。

係朔日均

御常服。其王公百官服色。正日。穿補褂。挂朝珠。二十九。三十兩日。係齋戒期內。均常服。挂朝珠。二十五。二十七。七月初一等日。均常服。不挂朝珠。

陳設。○崇德八年定。元日陳設鹵簿。長至萬壽聖節同。○順治元年。

定鼎燕京。

御皇極門。

和今太

受羣臣朝。鴻臚寺設

御座於皇極門正中。設表案於門東檐下。○九年定。大

朝常朝。鑾儀衛陳鹵簿於

太和殿前陳步輦於

太和門外陳

大駕於

午門外陳馴象於

大駕之南陳仗馬於丹墀中道左右均東西相嚮

○乾隆六年奉

旨太和殿內所設筆硯案著於東邊居中安設御殿之日若有表則移案於西設表案於東若無表仍於東邊居中安設○咸豐八年元旦

文宗顯皇帝御乾清宮受賀鑿儀衛豫設

法駕鹵簿於

乾清門外。陳步輦於

太和門外。陳五輅於

午門外。陳馴象於五輅之南。陳仗馬於丹墀中道

左右。俱東西相嚮。○同治三年。

穆宗毅皇帝萬壽聖節。御乾清宮受賀。陳

法駕鹵簿於

乾清門外。

樂懸。○崇德元年定。元日慶賀奏樂。長至。

萬壽聖節亦如之。○順治八年定。大朝常朝。教坊司

設中和韶樂於

太和殿東西檐下。設丹陛大樂於

太和殿內。均北嚮。○康熙八年定。

皇帝御座。大朝奏元平之章。常朝奏隆平之章。還宮。大朝奏和平之章。常朝奏顯平之章。均用中和韶樂。王公百官行禮。奏慶平之章。外藩使臣行禮。奏治平之章。均用丹陛大樂。大朝常朝同。○

二十二年題准。長至

御座。改奏遂平之章。還宮。改奏允平之章。

萬壽聖節

御座。改奏乾平之章。還宮。改奏太平之章。餘如前。

咸豐三年。

文宗顯皇帝萬壽聖節。在

乾清宮行禮。內監設中和韶樂於

乾清宮檐下兩旁。設丹陛大樂於

乾清門內兩旁。俱北嚮。若遇雨。其丹陛大樂。移於

乾清門。迤東。迤西。檐下。均北嚮。陳設。○八年元旦。

文宗顯皇帝御乾清宮受賀。內監設中和韶樂於

乾清宮檐下兩旁。設丹陛大樂於

乾清門內兩旁。俱北嚮。



班位。○順治十八年定。親王親王世子郡王郡王長子貝勒貝子八八分鎮國公輔國公等。在丹陛上序立。○康熙元年題准。凡典禮上朝及常朝會集。不入八分公。民公侯伯鎮國將軍都統子尚書第一班。輔國將軍護軍統領副都統前鋒統領侍郎男步軍翼尉大九卿第二班。奉國將軍一等侍衛護衛參領輕車都尉步軍協尉小九卿郎中第三班。奉恩將軍二等侍衛護衛騎都尉佐領員外郎科道官第四班。三等待衛護衛雲騎尉鳴贊官王事步軍尉第五班。護

軍校。驍騎校。筆帖式。第六班。其次各照職銜。不論加級。違者查出送部議處。○十六年題准。每朝期及大朝會集滿官。公侯伯鎮國將軍都統尚書左都御史子及凡一品官第一班。輔國將軍護軍統領前鋒統領步軍統領副都統侍郎學士左副都御史通政使司通政使大理寺卿。詹事府詹事男及凡二品官第二班。奉國將軍步軍翼尉長史參領一等侍衛護衛太常寺卿太僕寺卿光祿寺卿祭酒通政使司副使大理寺少卿。少詹事侍讀學士侍講學士侍讀侍講。

庶子洗馬鴻臚寺卿。理事官。郎中。給事中。監察御史。太常寺少卿。太僕寺少卿。輕車都尉。及凡三品官第三班。奉恩將軍。步軍協尉。佐領。司儀長。裁。二等侍衛。護衛。欽天監。監正。內閣侍讀。司業。光祿寺少卿。鴻臚寺少卿。通政使司參議。中允。員外郎。騎都尉。及凡四品官第四班。三等侍衛。護衛。雲騎尉。步軍尉。贊善。欽天監。監副。太常寺寺丞。主事。大理寺寺正。裁。光祿寺署正。都察院經歷。及凡五品官第五班。護軍校。驍騎校。通政使司知事。大理寺評事。鳴贊。司務司。廣等。各

職掌官及六品筆帖式第六班。七品官及七品筆帖式第七班。八品官及八品筆帖式第八班。九品官第九班。漢官尚書左都御史第一班。侍郎學士左副都御史宗人府府丞通政使大理寺卿詹事第二班。太常寺卿順天府府尹太僕寺卿光祿寺卿通政使司副使大理寺少卿少詹事讀講學士祭酒庶子侍讀侍講洗馬太常寺少卿鴻臚寺卿太僕寺少卿順天府府丞第三班。通政使司參議大理寺寺丞中允贊善司業光祿寺少卿鴻臚寺少卿修撰編修檢討庶

吉士給事中御史吏部司官並五部郎中第四  
班五部員外郎宗人府經歷順天府治中欽天  
監監正太醫院院使光祿寺寺丞給第五班五  
部主事都察院經歷都事理藩院院判給大理  
寺寺正給欽天監監副太醫院院判太常寺寺  
丞京府通判京縣知縣兵馬司指揮欽天監五  
官正鴻臚寺寺丞大理寺寺副給光祿寺署正  
第六班大理寺評事太常寺博士中書科中書  
內閣典籍撰文中書辦事中書各部司務大理  
寺司務通政使司經歷太常寺典簿京縣縣丞

兵馬司副指揮鑾儀衛經歷詹事府主簿正字  
給錄事。給翰林院典簿待詔京衛經歷。給欽天  
監五官靈臺郎祠祭署奉祀等官。給第七班。五  
經博士。國子監監丞博士。典簿助教學正學錄  
典籍理藩院知事。給欽天監主簿。五官保章正。  
給太醫院御醫。太常寺協律郎等八品官。第八  
班。理藩院副使。給太常寺贊禮郎。鴻臚寺鳴贊  
等九品官。第九班。武職參將遊擊在三班。守備  
等官在四班。千總等官在五班。隨旗上朝官。照  
在部院衙門職掌品級。其降級上朝官。照所降

品級部院衙門官有兼銜則從其銜之大者。僕  
有不遵序次者。由吏部禮部科道題參議處。八  
旗官由都統送部參處。如該管官徇情不查送  
者。一併議處。○二十二年題准。直省行慶賀禮。

將軍總督加將軍銜提督為一班。巡撫副都統

提督加左右都督銜。乾隆十年裁加銜總兵官為二班。

加都督同知以下銜。康熙二十三年裁加銜總兵官協領

參領巡鹽御史織造郎中督關郎中布政使按

察使各道為三班。佐領督關員外郎知府副將

參將為四班。防禦督關主事司庫同知通判遊

擊都司為五班。驍騎校。知州。知縣。守備為六班。  
有品級筆帖式。有品級庫使。經歷。州同。州判。縣  
丞。千總等官為七班。滿洲蒙古漢軍官分兩翼。  
漢官分文東武西。○雍正二年覆准。漢官照八  
旗官。分左右兩班。將吏。禮。刑。三部。宗人府。通政  
使司。翰林院。詹事府。太常寺。光祿寺。鴻臚寺。國  
子監。吏科。禮科。刑科。內閣。中書。欽天監。太醫院。  
分為左班。將戶。兵。工。三部。都察院。大理寺。鑾儀  
衛。太僕寺。四譯館。中書科。戶科。兵科。工科。行人  
司。

乾隆十三年裁

順天府。大興縣。宛平縣。五城兵馬司。



三營分為右班。均立於鑾駕之末。聽贊唱依次排班行禮。○六年定。

盛京文武各官朝賀。照在京文武官品級序定班次。○乾隆二年覆准。以吏戶禮翰詹通政等衙門為左班。兵刑工都察院大理寺等衙門為右班。○六年奏准。嗣後於

行在恭遇

萬壽聖節。羣臣行禮班位。王公大臣在網城內。三品以下官在網城外。○七年覆准。外省文官。自督撫以下。道府以上。武官。自將軍都統以下。協領

副將以上。或入

覲來都。或奉調在京者。如遇

皇帝御殿之日。各於吏兵二部。先期報名。咨送禮部  
都察院鴻臚寺。或有事故不能行禮。亦報明填  
註。至期投遞職名。一例入班行禮。總督加尚書  
銜者。列於六部尚書之末。巡撫加侍郎銜者。列  
侍郎之末。加副都御史銜者。列副都御史之末。  
布按二司。列小九卿之末。道府。列部郎中之末。  
將軍都統提督。列都統之末。副都統。總兵官。列  
副都統之末。協領副將等官。列參領之末。○十

一年覆准。六科班次。隨六部分列左右。吏科戶科禮科在左班。兵科刑科工科在右班。○十七年覆准。百官朝班。舊例以文官無一品。故尚書以下。班皆越品。今尚書侍郎已升一二品。各官皆依品列序。毋許越次參差。內惟少詹事翰林院侍讀學士。侍講學士。仍列三班。庶子。侍讀。侍講。國子監祭酒。司經局洗馬。改列四班。中允。贊善。司業。修撰。編修。檢討。庶吉士。改列五班。其京營武職朝班。及外省提鎮等官來京。遇事入朝。照康熙二十二年所定。直省武職望。

闕行禮班位。提督二班。總兵官三班。副將參將四班。遊擊五班。守備六班。千總等官七班。均附列於右翼各班之末。二十三年奏准。外省行慶賀禮。依通禮所載。學政增入第二班。總兵官刪除加銜。退列第三班。若遇有

欽差人員。一二品大臣。列第一班之首。三品以下京堂官。列第二班之首。五品以下之部院官員。及閩省巡臺御史。後裁並伴送外國使臣等官。均列第二班之末。又奏准。右部哈薩克來京。除謝

恩官員應行禮外。其丹墀內侍班之王大臣官。俱一

體行禮。禮畢。引令哈薩克行禮。○二十四年奏  
准。嗣後

升殿。鴻臚寺於儀仗外。設立紅漆木牌。標識百官班  
次。○二十五年奉

旨。嗣後回子內封品級者。遇行禮坐班。俱入於蒙古王  
公班內。封王者在王之次。封公者在公之次。○是年。  
右部哈薩克暨回部人等來京行禮。俱與二十  
三年同。○二十六年奏准。哈薩克回子等。來京  
朝賀行禮。俱各照品級。入於官員每班之末。○  
二十七年。右部哈薩克暨回部人等。來京行禮。

俱與二十三年同。○二十八年奉

旨。哈薩克等處回子行禮。著入於三品官之末。○三十

五年

諭。向遇國家慶典。衍聖公及五經博士。俱有來京朝賀之例。今思五經博士。雖膺章服之榮。究與各省紳士無異。且其品秩不崇。非若衍聖公之身膺顯爵者可比。伊等趨詣闕廷。既無由一體延見加恩。徒令其跋涉往來。致滋糜費。甚無謂也。嗣後五經博士。凡遇慶典。俱在各本籍隨班行禮。其來京朝賀之例。著永行停止。至衍聖公孔昭煥。昨已傳諭。令其今年且不必

來京。將來遇有應行朝賀之事。並著先期奏請。候旨  
遵行。著為令。○是年。猛拱頭目興堂扎貢象來京。奉  
旨。隨五品班之末行禮。○又奏准。霍罕使臣來京。入於  
三品班之末行禮。○三十八年。奏准。哈薩克阿  
布賴遣子阿第勒素坦來京時。遇次年元旦行  
禮。入於蒙古公之次。回子公之前。其同來瑪木  
克等十五人。入於三品官之末行禮。○四十年  
奏准。土爾扈特郡王策楞德勒克來京。入於蒙  
古王公之次行禮。向例外國使臣另班行禮。以  
朝鮮國為領班。○四十七年。奏准。上年朝鮮琉

球南掌遣羅四國使臣奉

旨入於百官之末行禮。明年元旦即遵照此例。○四十

八年謁

陵朝鮮使臣附於西班之末行禮。○五十一年奏准。哈  
薩克杭和卓之弟阿噶岱來京。入於蒙古公之  
次。回子公之前行禮。其同來嘉拜等。入於三品  
官之末。○五十五年奏准。安南國王來京祝

嘏。班次在和碩親王之次。○又奏准。哈薩克汗瓦里蘇  
勒坦之弟多索里蘇勒坦來京。入於蒙古貝子  
之次。公之前行禮。其同來伯勒克等。本係六品



頂戴即入於六品官之次。○五十七年。霍罕使

臣來京奉

旨。入於在京回子之末行禮。

謹案嘉慶二年八年。霍罕使臣來京行禮班次同。

○道光七年奉

旨。向來元旦受賀。蒙古台吉等。本有一定班次。因理藩院不派熟諳典禮之員帶領。以致多有參差。嗣後元旦朝賀。蒙古汗王貝勒貝子公。仍照舊入於內地王公之次行禮。其札薩克台吉以下。著按照品級。列於東邊行禮。內地大臣官員各排之次。其各部落回子伯克土司等。若照理藩院所議。列於內地大臣之次。

殊失體制。著另為一班。列於西邊行禮內地官員之末。如遇廓爾喀年班來京。按照向來班次。列於回子伯克土司之末。著理藩院先期於司員內。擇其熟諳典禮。並通曉蒙古語者。每項派出二員。屆期帶領行禮。儻臨時擁擠及撓越不齊。著將該帶領司員查叅。

○十六年。

宣宗成皇帝萬壽聖節。

皇子在

正大光明殿階下行禮。○又奉

旨。嗣後萬壽慶節。若遇雨。皇子王公等。著在正大光明

殿檐下行禮。文三品武二品以上官。著在出入賢良門內外檐下左右行禮。文四品武三品以下各官。著在大宮門內外檐下左右行禮。其丹陛樂著移於正大光明殿東西廂檐下。○十七年

諭朝會大典。理應整齊嚴肅。以崇體制。嗣後著鴻臚寺遵照會典。如有應到之員。誤不到班者。即指名叅奏。○二十一年。越南國使臣來京祝

擬在

午門外文武各員。西班牙之末。隨同行禮。○二十八年

諭本年萬壽慶節。已傳旨悖郡王奕諒入於王等班次行禮。嗣後遇有朝賀一切典禮。俱著照此次遵行。○  
咸豐三年奏准。

萬壽聖節。在

乾清宮行禮。鴻臚寺官引和碩親王以下。八分公以上。在丹陛上。一二品文武職任大臣。在甬道上。其餘公侯伯子男。暨三品以下文武各官。在

乾清門外。咸衣蟒袍補褂。各照品級。按翼排立。若遇雨。和碩親王以下。八分公以上。在

乾清宮檐下行禮。一二品文武職任大臣。在

乾清門內外檐下左右行禮。公侯伯子男暨三品

以下文武各官。在

太和門內外檐下左右行禮。○四年。

文宗顯皇帝萬壽聖節。御乾清宮受賀。王以下公以上。

在

乾清宮丹陛上。文武一品大臣。

御前侍衛。在甬道上。二品

內廷行走大臣。

乾清門侍衛。在東西丹墀內。二品文武大臣。三四

五品京堂。在

乾清門外。其餘文武各員。在

午門外。咸衣蟒袍補服行禮。○八年元旦。

文宗顯皇帝御乾清宮受賀。王以下八八分公以上。在

乾清宮丹陛上。文武一品大臣。

御前侍衛。在甬道上。二品

內廷行走大臣。

乾清門侍衛。在東西丹墀內。二品文武大臣。三四

五品京堂。及文武百官。在

乾清門外階下。朝鮮使臣。祇俟於西墀百官之末。

○十年。

文宗顯皇帝三旬萬壽聖節。叩祝人員耆民等。另班立於東班百官之末。朝鮮國使臣等。立於西班百官之末。○十一年元旦。奉

旨。正殿檐下樂部大臣侍讀學士詹事班俱撤去。展表大學士。著派尚書穆蔭內閣學士戴鶯充當展表差使。禮部堂官移至殿中閒之東次閒。禮成後奏禮成。所有此次禮部堂官。著派倭什琿布赴行在。○又奏准。此次

行在恭值

萬壽聖節。

御澹泊敬誠殿受賀。若遇雨。

皇子暨王公等在

澹泊敬誠殿檐下行禮。一二品文武大臣在

二宮門內檐下左右行禮。三四品以下文武各官

在

大宮門內外檐下左右行禮。○同治二年。

穆宗毅皇帝萬壽聖節。王公百官行禮班位。與咸豐八

年元旦同。○三年。

穆宗毅皇帝萬壽聖節。王公百官行禮班位。與咸豐四



年同。○光緒元年。

萬壽聖節。

皇帝御乾清宮受賀。王公百官行禮班位。與同治三年同。

侍班。○順治年間定。大朝常朝。以內閣大學士、學士、翰林院掌院學士、讀講學士、詹事府詹事、少詹事、都察院左都御史、左副都御史及記注官、滿漢各一人侍班。○雍正元年定。記注官用滿漢各二人。○乾隆七年。奏請樂部大臣侍班奉

旨祭

壇

廟日。在御史站班之處。堂官一員站立。大朝日。在都御史站班之處。堂官一員站立。○道光十九年議准。嗣後侍儀司員除丹陛上。及

昭德門

貞度門仍照舊侍立外。其丹墀南之侍儀司員。於太和門東西階下兩旁儀仗內品級山之末東西僉立。○三十年六月。

文宗顯皇帝萬壽聖節。都察院出派

勤政殿階下監禮御史二員。

勤政殿垂花門外監禮御史二員。

乾清門外監禮御史二員。

午門外監禮御史二員。鴻臚寺出派堂官於

勤政殿階下。

勤政殿垂花門出派司官於

乾清門外。

午門前四處排班行禮。不贊。均穿補服將事。禮部

出派滿漢司官各二員於

乾清門外。

午門前兩處分班監禮。朝鮮使臣於

午門外隨班行禮。○咸豐二年元旦。

文宗顯皇帝不升殿受賀。王以下文三品武二品以上。

在

乾清門外行禮。文四品武三品以下。在

午門外行禮。設御史禮部鴻臚寺官各二員。於

乾清門外階下。設御史禮部鴻臚寺官各二員。於

午門外侍儀。○四年。

文宗顯皇帝萬壽聖節。御乾清宮。係在

內廷行禮。毋庸用御史暨禮部司員等進

內監禮。其

乾清門外及

午門前行禮各員。仍照舊監禮。○十一年。

文宗顯皇帝萬壽聖節。行慶賀禮於

澹泊敬誠殿。日講官二員。立於

殿內西旁。侍班大學士二員。立於

殿檐下東西兩旁。都察院堂官一員。立於

殿檐下西旁。糾儀御史二員。禮部監禮司官二員。

立於

二宮門外階下兩旁。後扈內大臣二員。禮部堂官

二員。前引十員。均於

澹泊敬誠殿後隔扇階下左右序立。欽天監官報  
吉時。

文宗顯皇帝具龍袍袞服出宮。御澹泊敬誠殿。前引大  
臣十員。由

殿內東西兩旁趨出。就行禮立次。禮部堂官一員。  
由

殿內西旁趨出。就行禮立次。一員立於  
殿檐下東旁祇俟。

執事。引王公鴻臚寺官二人。引百官鴻臚寺

官序班各二人。引外國使臣鴻臚寺官二人。贊禮鳴贊官四人。宣表官一人。傳鳴鞭鑾儀衛官六人。○乾隆十年奏准。

行在恭遇

萬壽聖節行禮。照在京例。設鳴贊官贊禮。○咸豐十一年奏准。此次

行在恭值

萬壽聖節。

御澹泊敬誠殿受賀。前引大臣十員。禮部堂官二員。後扈內大臣二員。侍班大學士二員。都察院堂官

一員。奏禮成。禮部堂官一員。日講官二員。糾儀御史二員。禮部監禮司官二員。均照元旦令節豫備。

糾儀。○順治九年定。

皇帝御殿設禮部司官四人。於王公行禮處。吏部禮部司官各四人。於百官行禮處。糾儀。○十五年題准。朝班各官員。有言語喧譁。附耳交談。或背面坐立。及無故踰越。

御道者。糾儀及引禮官指名題參。○康熙九年

諭都察院。國家朝儀。大體所在。貴於整肅嚴飭。不止係



堂陛之觀瞻。亦以見臣心之敬肆。諸王大臣有踰越班行。交相接語。或輕佻嬉笑。禮不踰階。而相與言。又况其甚乎。爾衙門監察御史。侍班切近。見而不糾。皆緣畏事徇情。所以如此。都察院職任重大。朕躬有失。尚爾指陳。王及諸臣。乃不參奏。揆之事理。實所未協。今後有失儀者。毋得容隱。○二十年題准。嗣後皇帝升殿。設滿御史二人於

殿檐下。設滿御史東西各二人。於王公行禮處。設滿御史東西各二人。漢御史東西各二人。於百官行禮處。侍立糾儀。其常朝及八旗上朝坐班

之日。班首以滿漢御史各一人。班末以滿漢御  
史各一人。吏部禮部亦委滿漢司官監視。如有  
越次私語。或互相背坐。及先自起散者。指名題  
叅。知而不糾者議處。○雍正二年覆准。常朝日。  
遣侍衛四人監視。如有坐立越班。跪拜失儀。御  
史指與侍衛。即指名拏叅。交刑部治罪。查察不  
嚴者議處。○八年議准。外官朝賀。設糾儀官。省  
會用道員一人。如無道員。用府同知一人。外府  
用同知一人。如無同知。用通判。如無同知。通判  
用教官一人。州縣均用教官一人。屆期。糾儀官

黎明先至。文武各官行禮時。糾儀官旁立監視禮儀。如有越次失儀。及違誤不到者。糾儀官糾報督撫。指名題參。如有徇隱。一併參處。○又定盛京各官朝賀糾儀用

盛京禮部司官二人。○乾隆二十二年奏准。嗣後皇帝升殿。丹墀班後。

昭德門。

貞度門。階下東西增設滿漢御史各二人。禮部司官二人。侍衛二人稽查。如有失儀越班。任意起坐蹲踞者。即指與侍衛。立拏參處。再

殿階備茶之侍衛人員。及各執事人等。並隨王公等護衛官員。有立於階上正面者。殊失體制。令護軍統領。委護軍參領於階上東西角分立。毋許執事官員人等。站立正面。違者護軍參領即拏交監禮御史指名糾參。奉

旨。階上備茶尚茶人員。務酌量足用。委出。不必多人。再王公等隨從攜坐褥者。於伊等護衛內。每人止准一人。內監毋許隨從。將此交與直班護軍統領等。嚴行稽查。違者即行參奏。○又定。糾儀御史二人。立於西檐第三柱東面北上。御史四人。禮部司官四人。

立於丹陛。御史八人。立於丹墀班前。御史四人。禮部司官二人。立於班後。皆北上東西面。御史四人。吏部禮部司官各二人。於班末東西立。皆北面。大朝常朝同。○五十四年

諭向來遇升殿行禮。都察院堂官俱在殿上西邊站立。而丹墀下儀仗前分上中下三段。共設糾儀御史六員。不足周覽管攝。今思丹陛上不過王公數人。大學士都察院堂官耳目較近。儘敷糾察。儀仗自能整肅。而丹墀下行禮人員較為衆多。自非御史六人所能稽查周到。嗣後著於都察院堂官內輪往二人。在頭

層品級山兩旁。站立督率。再於每品正從東西。不拘滿漢科道。各派一員。專司彈壓。科道員數較多。每次止用三十六員。儘為寬裕。於朕未升殿以前。著在品級山兩旁。向上按班分立。屆時留心稽覈。如行禮人員。有越班不齊者。既可隨時指示。而於錯誤不遵者。亦無難指名糾劾。更足以昭體制。而肅朝儀。著為令。

○嘉慶七年

諭昨因升殿傳臚。新進士行禮參差不齊。儀節舛錯。隨傳詢鴻臚寺禮部各堂官。因何不豫行演習。據該堂官等均稱臚唱演習。向無成例。及閱都察院衙門參

奏一摺。內稱凡遇有傳臚大典。由鴻臚寺派出序班等官三員。先期將一甲三人認明。分班帶引。俟鳴贊時。即在旁密為宣導。俾弗愆儀。今該寺官直至三名全唱後。始引其就位。旋即退遠。不在旁押班宣導。以致參差不齊。跪拜無節等語。是歷屆傳臚。諸進士行禮。惟以鴻臚寺官在旁導引為準。不致舛錯。此次該寺堂官並未先期選派嫻習之員。敬謹導引。殊屬疏忽。所有鴻臚寺承直帶領一甲進士行禮之員。著交部議處。鴻臚寺堂官。著交部察議。○道光七年奉

旨。前因元旦朝賀禮成。百官甫退。有任意趨走之人。當

交吏部查取職名察議。茲據查明糾察御史及禮部派出之監禮各司員。於越班失儀之人。並不稽查指拏。均著照議罰俸六箇月。不准抵銷。至昭德門監禮相距稍遠。均著減為罰俸三箇月。亦不准抵銷。○又諭嗣後丹墀南。仍派禮部司員四人。儀仗後仍派御史四人。禮部司員四人。並著添派侍衛四人。分列昭德貞度門內階下左右。專司朝儀。遇有越班行走者。立即指拏奏辦。並著護軍統領。於升殿前。稽查彈壓。一切從人等。毋許混入。以肅朝儀。

賜坐。○順治九年定。大朝常朝行禮畢。



賜羣臣坐。郡王以上進。

殿內。貝勒以下。在丹陛上。百官在丹墀內。均照班次。跪行一叩禮。坐。

皇帝進茶。王公百官。均就坐。次行一叩禮。光祿寺執事官。授羣臣茶。羣臣受茶。就坐。次行一叩禮。飲畢。復行一叩禮。○十二年題准。凡朝期。

皇帝御殿。王以下。公以上。進。

殿內兩旁序坐。○十八年題准。凡典禮上朝及常朝。王以下。入八分公以上。進。

殿內序坐。不入八分公以下。文武官。於原立位序。

坐。○乾隆二年奉

旨。朕御太和殿。向來大學士。皆立於殿外檐下。即於殿外賜坐。嗣後立位。仍照舊例。賜茶時。令坐於殿內。領侍衛內大臣之上。○八年奉

旨。嗣後御殿及筵燕日。殿內止大臣賜坐。侍衛等均著侍立。不必賜坐。賜茶時。若侍衛輪流奉授。不免舛錯遺漏。嗣後授茶時。著禮部前期。取應坐之王公大臣數目。每一人令侍衛一人授茶。仍依次接回。庶奉授便捷。亦不致舛錯遺漏。其設燕日。與燕大臣衆多。若授茶侍衛不敷。著令親軍奉授。○又議准。

御殿日。除文官三品武官二品以上。照舊

賜茶。其四品以下官。惟

殿內之記注官。丹墀內之外國使臣。

賜坐。

賜茶。其餘百官。但

賜坐。停止

賜茶。○十五年奉

旨。嗣後大學士坐次。仍着在領侍衛內大臣之上。協辦  
大學士事務尚書。着在領侍衛內大臣之下。署領侍  
衛內大臣之上。○嘉慶二年奏。舊禮凡大朝日。

賜羣臣坐後復

賜王公以下文官三品武官二品以上暨外國使臣  
茶飲畢行一叩禮面奉

敕旨嗣後升殿毋庸賜茶